



অবিলম্বে প্রকাশের উদ্দেশ্যে: 1/12/2022

গভর্নর ক্যাথি হোকল

গভর্নর হোকল লেক প্ল্যাসিড 2023 FISU উইন্টার ওয়ার্ল্ড ইউনিভার্সিটি গেমসের এক বছরের কাউন্টডাউন শুরু করলেন

*নর্থ কান্ট্রি 1972 সালের পর প্রথমবারের মতো অভিজাত কলেজিয়েট শীতকালীন ক্রীড়া অ্যাথলেটদের স্বাগত জানাচ্ছে*

*ওয়ার্ল্ড ইউনিভার্সিটি গেমসের শীতকালীন সংস্করণের এক বছর বাকি থাকা উদযাপনের কর্মকাণ্ডে জনগণকে অংশগ্রহণ করার আমন্ত্রণ*

গভর্নর ক্যাথি হোকল আজকে লেক প্ল্যাসিড 2023 FISU ওয়ার্ল্ড ইউনিভার্সিটি গেমসের (Lake Placid 2023 FISU World University Games) এক বছর বাকি থাকার উদযাপন আনুষ্ঠানিকভাবে শুরু হওয়ার ঘোষণা দিলেন। 11-দিনের সাংস্কৃতিক আদানপ্রদান ও ক্রীড়া ঘটনার শীতকালীন সংস্করণটি 50-বছরের অনুপস্থিতির পর 2023 সালের 12-22 জানুয়ারি মার্কিন যুক্তরাষ্ট্রে এবং লেক প্ল্যাসিডে ফেরত আসছে।

"নিউ ইয়র্ক লেক প্ল্যাসিডে 2023 FISU ওয়ার্ল্ড ইউনিভার্সিটি গেমসকে আমন্ত্রণ জানাতে পেরে এবং বাকি বিশ্বকে আমরা কী করতে পারি তা দেখাতে পেরে গর্বিত," **গভর্নর হোকল বলেন।** "আমাদের ঘরের মাঠে এই গেমস আয়োজন করার ফলে, ভক্ত ও দর্শকরা শুধু অ্যাডিরল্ড্যাকের রাজসিক সৌন্দর্যই উপভোগ করতে পারবে না, বরং বিশ্বের বিশ্ববিদ্যালয়গুলির সেরা কিছু অ্যাথলেটদের মধ্যকার প্রতিযোগিতায় উপভোগ করতে পারবে।"

2018 সালের মার্চ মাসে, আন্তর্জাতিক ইউনিভার্সিটি ক্রীড়া ফেডারেশন (International University Sports Federation, FISU) আনুষ্ঠানিকভাবে ঘোষণা করে যে লেক প্ল্যাসিড এবং নর্থ কান্ট্রি অঞ্চল উইন্টার ওয়ার্ল্ড ইউনিভার্সিটি গেমসের 31তম সংস্করণ আয়োজন করবে। এই গেমস এখন শীতকালীন অলিম্পিকসের পর বিশ্বের দ্বিতীয় বৃহত্তম একাধিক-ক্রীড়ার শীতকালীন ইভেন্ট, যেখানে 17 থেকে 25 বছর বয়সী কলেজিয়েট অ্যাথলেটরা অংশগ্রহণ করে। আগামী জানুয়ারির ইভেন্টে 12টি ক্রীড়া এবং 86টি ইভেন্টে প্রতিযোগিতা করার জন্য 50টি দেশ এবং 600টি ইউনিভার্সিটি থেকে 1,600 অ্যাথলেট আসবে বলে প্রত্যাশা করা যাচ্ছে, এখানে নারী ও পুরুষদের সমান সংখ্যক পদক থাকবে।

এছাড়াও গেমস হাজার হাজার শীতকালীন ক্রীড়াপ্রেমিকদের এবং ভক্তদের লেক প্ল্যাসিড ও আশেপাশের নর্থ কান্ট্রি সম্প্রদায়ে আকৃষ্ট করবে, যার মধ্যে রয়েছে ক্যান্টন, নর্থ ক্রিক,

পটসড্যাম, সারানাক লেক এবং উইলমিংটন, যেখানে এই অভিজাত অ্যাথলেটরা অ্যালপাইন স্কিয়িং, বাইঅ্যাথলন, ক্রস-কান্ট্রি স্কিয়িং, কার্লিং, ফিগার স্কেটিং, ফ্রিস্টাইল এবং ফ্রিক্সি, নারী ও পুরুষদের আইস হলি, নর্ডিক কম্বাইন্ড, শর্ট ট্র্যাক স্পিড স্কেটিং, স্কি জাম্পিং, স্নোবোর্ডিং এবং স্পিড স্কেটিং (লং ট্র্যাক) ইত্যাদিতে পদক জেতার জন্য প্রতিযোগিতা করবে।

**FISU-র ভারপ্রাপ্ত প্রেসিডেন্ট লিওনজ এডার বলেন,** "লেক প্ল্যাসিডের মতো শহর কীভাবে এতো মজবুত একটি ক্রীড়া ঐতিহ্য তৈরি করতে পারে তা বিনয়ের সাথে দেখছি। এর মধ্যে রয়েছে 1932 এবং 1980 উভয় সালের অলিম্পিক উইন্টার গেমস, এবং 1972 FISU ওয়ার্ল্ড ইউনিভার্সিটি গেমস আয়োজন করা। FISU-র সকলের পক্ষ থেকে, আমরা আপনাদের মাত্র এক বছর দূরে থাকা এই গেমসের প্রস্তুতির ব্যাপারে শুভকামনা জানাচ্ছি। আমি 2022 FISU ওয়ার্ল্ড ইউনিভার্সিটি চ্যাম্পিয়নশিপ স্পিড স্কেটিং (2022 FISU World University Championship Speed Skating) ইভেন্টের সময় লেক প্ল্যাসিডে এসে নিজের চোখে গেমসের প্রস্তুতি দেখতে উন্মুখ।"

**লেক প্ল্যাসিড আয়োজক কমিটির (Lake Placid Organizing Committee) প্রধান পরিচালনা কর্মকর্তা অ্যাশলি ওয়াল্ডেন বলেন,** "লেক প্ল্যাসিড এবং নর্থ কান্ট্রি শেষ বার FISU ওয়ার্ল্ড ইউনিভার্সিটি গেমস আয়োজন করার 50 বছর পার হয়ে গেছে। আমরা বিশ্বকে ক্রীড়া ও সাংস্কৃতিক উভয় আদান প্রদানে ফেরত আনার এই সুযোগ পেয়ে সম্মানিত। আমরা লেক প্ল্যাসিড 2023 FISU ওয়ার্ল্ড ইউনিভার্সিটি গেমসের শুরুর আগের বাকি দিনগুলির কাউন্টডাউন করতে উন্মুখ।"

গেমসের মাত্র এক বছর বাকি থাকা উদযাপন করতে, লেক প্ল্যাসিড 2023 পুরো অঞ্চলে একাধিক ইভেন্ট আয়োজন করেছে। যার মধ্যে রয়েছে:

- 15 জানুয়ারি, শনিবার এবং 16 জানুয়ারি, রবিবার - নর্থ ক্রিকের গোর মাউন্টেনে এবং উইলমিংটনের হোয়াইটফেস মাউন্টেনে ডেক পার্টি। দুপুর ও বিকাল 4টার মধ্যে, স্কিয়ার, স্নোবোর্ডার এবং অতিথিরা বেজ লজের প্রতিটি ডেকে মিউজিক, প্রতিযোগিতা এবং গিভএওয়ে উপভোগ করতে পারবে। এছাড়াও, [অ্যাডিরন্ড্যাক ম্যাক](#), লেক প্ল্যাসিড 2023 FISU ওয়ার্ল্ড ইউনিভার্সিটি গেমসের আনুষ্ঠানিক মাসকট, প্রতিটি রিসোর্টে ঘুরে বেড়াবে, ছবি তুলবে এবং অটোগ্রাফ সাইন করবে।
- 17 জানুয়ারি, সোমবার - সন্ধ্যা 6:00- 8:00 পর্যন্ত লেক প্ল্যাসিডের মিরর লেকে পূর্ণিমার নিচে মুনলাইট কার্লিং। উৎসবে আরো থাকবে লাইভ মিউজিক, অগ্নিকুণ্ড এবং হট চকলেট।
- 21 জানুয়ারি, শুক্রবার - অ্যাডিরন্ড্যাক ম্যাক ক্যান্টনের দিকে রওনা দিবে, যেখানে নিউ ইয়র্ক স্টেট ইউনিভার্সিটি (State University of New York, SUNY) ক্যান্টন নারী আইস হকি দল প্রতিদ্বন্দ্বী SUNY পটসড্যামের বিরুদ্ধে ঘরের মাঠে খেলবে। ম্যাক ভক্তদের সম্ভাষণ জানাতে এবং ছবি তুলতে সেখানেই থাকবে। পাক ড্রপ হবে সন্ধ্যা 7:00 টায়।

- 22 জানুয়ারি, শনিবার - FISU ওয়ার্ল্ড ইউনিভার্সিটি গেমসের পতাকা উত্তোলন অনুষ্ঠান। অনুষ্ঠানটি লেক প্ল্যাসিডের মিডস পার্কে দুপুর 2:30 এ অনুষ্ঠিত হবে, যা আনুষ্ঠানিকভাবে নর্থ কান্ট্রিকে পরবর্তী উইন্টার ওয়ার্ল্ড ইউনিভার্সিটি গেমসের আয়োজক হিসেবে চিহ্নিত করে।

**অলিম্পিক আঞ্চলিক বিকাশ কর্তৃপক্ষের (Olympic Regional Development Authority, ORDA) প্রেসিডেন্ট ও প্রধান নির্বাহী কর্মকর্তা মাইক প্র্যাট বলেন,** "ORDA সদস্যরা ওয়ার্ল্ড ইউনিভার্সিটি গেমসকে অ্যাথলেট ও দর্শক উভয়ের জন্য একটি দুর্দান্ত অভিজ্ঞতা বানাতে সম্পূর্ণ অঙ্গীকারবদ্ধ, এবং আমরা প্রতিযোগিতা শুরু করতে উদ্বিগ্ন। আমরা আরেকবার বিশ্বকে আতিথেয়তা প্রদান করতে আমাদের ট্রেইল ও রিফ্লস নিয়ে প্রস্তুত।"

**এম্পায়ার স্টেট ডেভেলপমেন্টের (Empire State Development) ভারপ্রাপ্ত কমিশনার এবং প্রেসিডেন্ট ও CEO-পদপ্রাপ্ত হোপ নাইট বলেন,** "উইন্টার ওয়ার্ল্ড ইউনিভার্সিটি গেমসে পুরো নর্থ কান্ট্রির বিভিন্ন ভেন্যু ও স্কি এলাকায় বিশ্বমানের আন্তর্জাতিক অ্যাথলেটদের প্রতিযোগিতা করতে দেখা যাবে। নিউ ইয়র্ক স্টেট এই অঞ্চলের পর্যটন এবং শীতকালীন ক্রীড়া অবকাঠামো সমর্থনে নজিরবিহীন বিনিয়োগ করেছে, এবং আমরা এই বিশেষ অনুষ্ঠানের জন্য কাউন্টডাউন শুরু করতে পেরে আনন্দিত যা আমাদের অ্যাডিরন্ডিয়াক সম্প্রদায়সমূহে আরো বেশি বাসিন্দা ও দর্শনার্থীদের স্বাগত জানাবে।"

**সিনেটর ড্যান স্টেক বলেন,** "আপস্টেট নিউ ইয়র্ক স্টেট কতটা বিশেষ তা বিশ্বকে দেখানোর এটি একটি দারুণ সুযোগ। গেমস শুধু লেক প্ল্যাসিডের জন্য সচেতনতা সৃষ্টি করবে না, বরং আগামী অনেক বছরের জন্য সম্পূর্ণ নর্থ কান্ট্রির জন্য সচেতনতা সৃষ্টি করবে। এই গেমস শুধু প্রতিযোগী অ্যাথলেটদের লাভবান করবে না, বরং ভবিষ্যৎ অ্যাথলেটদের উৎসাহিত করবে এবং একই সাথে আমাদের স্থানীয় ব্যবসাসমূহকে উন্নত, সমর্থিত, এবং বিকশিত করবে।"

**লেক প্ল্যাসিডের মেয়র আর্ট ডেভলিন বলেন,** "যখন 2018 সালের মার্চ মাসে লেক প্ল্যাসিড FISU ওয়ার্ল্ড ইউনিভার্সিটি গেমস আয়োজনের দায়িত্ব পায়, তখন থেকে লেক প্ল্যাসিড মৌচাকের মতো কর্মমুখর হয়ে উঠেছে। আমাদের অলিম্পিক সাইটগুলিকে সম্পূর্ণ পুনরুজ্জীবিত করা হয়েছে। যে সময় FISU ওয়ার্ল্ড ইউনিভার্সিটি গেমস লেক প্ল্যাসিড আয়োজিত হবে, ততদিনে আমাদের সকল ভেন্যু বিশ্বমানের হয়ে উঠবে এবং এটি আগামী অনেক বছর ধরে লেক প্ল্যাসিডকে লাভবান করবে। FISU গেমস লেক প্ল্যাসিড এলাকায় নিয়ে আসা উন্নয়নের একটি ঐতিহ্য রেখে যাবে। যার মধ্যে কয়েকটি উদাহরণ হলো সাশ্রয়ী আবাসন, মেইন স্ট্রিট পুনর্জীবিত করা এবং এর হোটেল ও ব্যবসার উন্নয়ন। 12 জানুয়ারি, 2023 এ লেক প্ল্যাসিড আরেকবার বিশ্বকে স্বাগত জানাতে প্রস্তুত থাকবে ও গর্বিত হবে।"

**নর্থ এলবা টাউনের সুপারভাইজার ডেরেক ডিটি বলেন,** "এটি নর্থ এলবা এবং বৃহত্তর অ্যাডিরন্ডিয়াক অঞ্চলের জন্য একটি উত্তেজনাপূর্ণ সময়। যখন লেক প্ল্যাসিড 2023 FISU ওয়ার্ল্ড ইউনিভার্সিটি গেমসকে সামনে রেখে প্রস্তুতি চলছে, তখন এই একবছরের কাউন্টডাউন বাসিন্দাদেরকে গেমস এবং অঞ্চলকে উদযাপন করার, কীভাবে এর সাথে জড়িত হওয়া যায় সে

ব্যাপারে আরো জানার, এবং এটিকে সর্বকালের সেরা গেমস বানাতে সাহায্য করার একটি সুযোগ দেয়।"

**উইলমিংটন টাউনের সুপারভাইজার রয় হোলজার বলেন,** "হোয়াইটফেস মাউন্টেনের বাড়ি উইলমিংটন টাউন গেমসের অংশ হতে পেরে অত্যন্ত আনন্দিত। আমাদের সম্পূর্ণ সম্প্রদায় আমাদের অঞ্চলে অ্যাথলেট ও দর্শকদের আমন্ত্রণ জানাতে উন্মুখ।"

ভক্তরা গেমসের পূর্বের প্রস্তুতি দেখতে পারবে ফেসবুক, টুইটার ও ইনস্টাগ্রাম @lakeplacid2023 এ, #lakeplacid2023।

লেক প্ল্যাসিড 2023 FISU ওয়ার্ল্ড ইউনিভার্সিটি গেমসের ব্যাপারে আরো তথ্যের জন্য, [www.lakeplacid2023.com](http://www.lakeplacid2023.com) এ লগ ইন করুন।

###

আরো সংবাদ পাওয়া যাবে এখানে [www.governor.ny.gov](http://www.governor.ny.gov) -এ  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418